



Inatsisartunut ilaasortaq,
Lars Poulsen,
Siumut
Maani/

**Qalorsuarnik saarullinniarneq pillugu § 37 naapertorlugu apeqquummut nr.116-
imut akissut**

10-07-2026
Suliap normua: 2026 - 12930
All. nr.: 26640959

Inatsisartut suleriaasianni § 37, imm. 1 malillugu sinerissap qanittuani qalorsuarnik saarullinniarneq pillugu Naalakkersuisunut apeqqutinik saqqummiussaqaqputit. Apeqqut suliaassaqaqfigisannit akineqartussanngorlugu innersuunneqarpoq.

Postboks 269
3900 Nuuk
Oq. (+299) 34 50 00
Fax. (+299) 34 63 55
E-mail: apn@nanoq.gl
www.naalakkersuisut.gl

1. Qalorsuarsorluni aalisarnermi soorlu Nuup kangerluani sinerissallu qanittuani aalisarsinnaanermut akuersissutaateqarpat?

a. Peqarpat, qassit pineqarpat? a.

1-mut) Sinerissap qanittuani qalorsuarnik saarullinniarneq aalisarnerup teknikikkut iluarsartuussivigineqarnera pillugu nalunaarummi § 4 imm. 2 naapertorlugu akuersisaavoq. Tassunga immikkut ittumik akuersissutit tunniunneqarnej ajorput. Angallatit tamarmik saarullinnut sinerissap qanittuanut akuersissutillit qalorsuit atorsinnaavaat.

Kisianni angallatit tamarmik aalisarnermut atortut suut atornerlugit KANUAPNA nalunaarfigissavaat. KANUAPNA-p nalunaarutigaa 2026-mi maannakkumut angallatit pingasut sinerissap qanittuani saarullinniarnermi qalorsuarnik atuisuusut. .

2. Qalorsuarsorluni aalisartoqarsimappat kikkut akuersissutaateqarpat?

a. Qalorsuarsorluni aalisartut ikerinnaasiorlutik aalisarnissamut akuersissutaateqarpat? Imaluunniit natersorluni aalisarsinnaanermut akuersissutaateqarpat?

2-mut) Soorlu apeqquummut 1-mut akissuteqaammi oqaatigineqartoq, immikkut ittumik akuersissutit tunniussisoqarnej ajorpoq. Sinerissap qanittuanut saarullinniarnissamut akuersissutillit tamarmik qalorsuit atorsinnaavaat.

Qalorsuarni nigartaqqortussutsimut 16 mm-it minnerpaaffissalinnik atuinissaq nalunaarummi akuersissutigineqarpoq. KANUAPNA ilisimatitsissuteqarpoq, qalorsuit natersiutit ataasiakkaat aalisarnermi atornerqarnerat ingerlaannarallartoq.

3. Piujuartitsineq eqqarsaatigalugu aalisarsinnaatitaanerat TAC qanoq annertutigiva?

a. Aamma, immikkut pisassinneqarnikuuppat?

3-mut) Qalorsuarnik aalisarnermut immikkut ittumik pisassiisoqanngilaq, sinerissap qanittuani aalisartut tamarmik atorsinnaammasuk. 2026-mi sinerissap qanittuani saarullinnut pisinneqarsinnaasut tamarmiusut 23.015 tonsiupput. Sinerissap qanittuani aalisarneq paggatassiilluni saarullinnik aalisarneruvoq aalisartut pisassiissutinik tunineqarneq ajorput, kisianni pisinneqarsinnaasut tamarmiusut iluanni killilersorneqaratik aalisarsinnaapput.

4. Naalakkersuisut isumaqarpat qalorsorlutik aalisartut sinerissap qanittuani angallatit minnerit atorlugit saarullinnianut innarliutaanngitsumik aalisartut?

4-mut) Naalakkersuisut aalisartut kattuffiisa ilaannit saaffiginnissutsinik tigusaqarput, sinerissap qanittuani qalorsuarnik aalisarnerup killiliiffiginissaanik kissaateqartunik ilaatigut pissutigalugu isumaqaramik, bundgarn-ersorlutik aammalu umiatsiaararsorlutik aalisartunut akornusersuisinnaasut. Taamaattumik aalisarnerup teknikikkut iluarsartuussivigineqarnera pillugu nalunaarutip aaqqiffigineqarnissaanut tamanut ammasumik tusarniaanermik Naalakkersuisut nassiussipput, tassani siunnersuutigineqarpoq tunngaviusumik titarnerup iluani qalorsuarnik aalisarneq inerteqqutaalissasoq. Taassuma tunngaviatigut kangerluni qalorsuarnik atuineq inerteqqutigissavaa.

Nalunaarummut tusarniaanermut piffissaliunneqarpoq ull. 13. juli. Tusarniaanermut akissutit tunngavigalugit siunnersuummut annertunerusumik naleqqussaanissamut pisariaqartitsisoqarnerisooq Naalakkersuisut naliliissapput.

Inussiarnersumik inuulluaqqusillunga



Peter Borg

Aalisarnermut, Piniarnermut, Nunalerinermut Imminullu Pilersornermut Naalakkersuisooq